



Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Sect. 4. Ultima laus D. Iosephi ex hac coniunctione quod ea quoque profuerit Divæ Virgini.

urn:nbn:de:hbz:466:1-38500

SECTIO IV.

*Ultima Laus Divi Josephi ex
hac coniunctione quod ea
quoque profuerit ipsi Diva
Virgini.*

XLII. **L**icet primo aspectu hæc propositio insolens videri possit, quod scilicet Beata Virgini profuerit ipsius cum Divo Josepho coniunctio, antiqua tamen est veritas, pro quâ audiendus primò Divus Augustinus tom. 10. in Appendice sermonum de diversis serm. 25. circa finem vel quisquis est Author illius ubi hæc habet verba: *Habe Joseph cum Maria conjugem tuam virginitatem membrorum. quia de virginis membris virtus nascitur Angelorum: sit Maria sponsa Christi virginitate servata. Sis autem & tu Pater Christi cura castitatis, & honorificentia virginitatis, ut de virginis membris genitrix, seculis Christianis nulla sit zelotypia: quem locum accommodans Divo Josepho ex Patribus nostris Discalceatis Pater Elias à Sanctâ Theresiâ Opere in duo volumina distincto, cui titulus Legatio in Epist. nuncupat ad Divum Josephum obseruat acutè in eo esse manifestum mendum in his verbis: Sit Maria sponsa Christi virginitate servata: cùm enim immediate post convertens se ad D. Josephum subdat. Sis autem & tu Pater Christi cura castitatis & honorificentia virginitatis, &c. manifestè patet in prioribus verbis loco istorum verborum, Sit Maria sponsa Christi, debere esse, Sit Maria Mater Christi virginitate servata, ut sit sequela in eo quod iubatur, Sis autem & tu Pater Christi cura castitatis, &c. loco igitur hoc ita restituto, accipe illius genuinum sensum & interpretationem ex prædictato Patre nostro Eliâ a Sanctâ Theresiâ.*

XLIII. Alloquitur Sanctus Augustinus, vel alius si alius est istius sermonis Author, loco isto Divum Josephum occultè dimittere volentem Mariam conjugem suam, atque dicit ei. *Habe, id est, cole cum Mariâ conjugem tuam virginitatem membrorum. Neque hoc à te infructuo-*

sè aut inutiliter faciendum existimes, *quia de virginis membris virtus nascitur Angelorum: hoc est qui virginitatem, quæ in membris carnis est, colunt virtute ac meritis sunt pares Angelis: quod autem iubatur juxta præcedentem correctionem. Sit Maria Mater Christi virginitate servata, intellige, inquit noster Elias à Sanctâ Theresiâ, virginitatem non ut ab ipsâ servatam sed ut à Divo Josepho, qui Marianæ pudoris custos & servator à Deo electus est & existit. Et fons est: Sit Maria Mater Christi virginitate ejus servata per re ò Joseph! quem semper alloquitur per apostrophen, & quod Maria sit Mater Christi, ex hoc ipsa tibi tenetur, nam ideo tacta est Mater Christi, quia tu virginitatem illius, in quam ex lege matrimoniorum jus habebas, conservasti.*

Ex quo pondera Divi Josephi dignitatem ac immensum ipsius de Beatisimâ Virgine meritum: Quod enim hæc Dei Mater sit, hoc ipsa post Deum debet Divo Josepho nam virginitas illi, ut diximus, maternitatem istam attulit, virginitatem autem illius, Divi Josephi temperantia servavit. Ex quo facilè quilibet eliciet quantis pia illa ac gratissima conjux, & erga omnes etiam immeritos adest misericors & munifica, argumentis gratiam hanc rependerit.

Subditur deinde loco prædictato, Sis & tu Pater Christi cura castitatis, & honorificentia virginitatis: quasi dicaret, dum sponsæ tuæ castitatem curasti, eju[m] que virginitatem honorando, eam ut optimus custos tuam servas arque defendis temperantia, non solum id efficiens quod illa sit Mater Dei, sed etiam id tu obtines quod fias ejusdem Dei Pater: sicut enim alii mariti ductis uxoribus, filiorum quos illæ pariunt patres efficiuntur, illarum virginitate corruptâ, sic tu è contra, sponsæ tuæ Mariæ Virginitate servata, Christi filii ejus Pater efficeris: Nam quemadmodum aliis filiis nascendi caula est usus conjugii, ita è contra Christum concipiendi & gignendi caula fuit abstinentia ab hoc uero: Salvatorem enim aliter natu[re] decebat quam ceteros homines, nec aliter nasci quam ex muliere incorruptâ.

Q q 3

Unde

XLVI. Unde etiam fieri, inquit idem locus ex Augustino qui suprà, ut de virginibus membris Dei genitricis, sculis Christianis nulla sit zelotypia, id est te Ó Josephi virginici pudoris custode ac servatore castissimo futurū est, ut deinceps nullis sculis unquam Christianos ulla tangat aut irrat temeratae virginitatis Mariae suspicio, sed certissimè omnes credituri sint, illam licet parientem, Virginem tamen illibaram permanuisse: unde consequenter Divo Josepho tota debet Ecclesia quod ei omnem abstulerit de virginici partus puritate ambiguitatem.

XLVII. Ideoque cùm Joseph antiquus Ägypti Pro-rex fuerit, ut toties repetimus figura hujus castissimi Virginis Sponsi, merito in eo impletum & expressum dico quod de illo dicit Scriptura sacra Genes. 49. v. 25. *Omnipotens benedice tibi benedictionibus Cœli desuper, benedictionibus abyssi jacētis deorsum:* per istam abyssum intelligendo vel Mariam vel uterum ejus, & per benedictionem Cœli desuper operationem Spiritus sancti ex quâ conceptus est in illâ Christus: cùm enim ut illud profundissimum mysterium per Spiritum sanctum in utero Virginis perficeretur, ita Divus contribuerit Iosephus, quis negare poterit ipsum in eisdem abyssi super beatitudinæ benedictionum participationem uberrimam venire debuisse?

XLVIII. Audiendum secundò, pro hac nostrâ Thesi quid ipsa Beata Virgo de se ipsâ ex mente Sanctorum Parrum & Ecclesiæ loquens dicat Ecclesiastici cap. 24. Ibi sic illa inter alia vers. 18. *Quasi palma exaltata sum in Cades, ubi alia versio pro exaltata sum habet maritata sum:* adeò ut juxta hoc in Beatâ Virgine idem sit esse maritatum, & esse exaltatum: sed hoc quâ ratione?

XLIX. Primò, quia Divus Iosephus cui maritata fuit, ita sanctus extitus, talibus gratiæ ornamentiis instrutus, tot & tantis Cœli divitiis cumulatus, ut Virginis gloriæ non parvæ cedat, quod virum tam sanctum, tam perfectum, adeò in omni virtute consummatum habuerit, debueritque habere.

L. Memoriae proditur quod quondam nobiles matronæ Atheniensis ex condicto instituerunt circulum sive Con-

ventum magnificum, ad solemnum opum suarum, margaritarum, unio- num, gemmarum, adamantum, coeterique mundi muliebris vanam ostenta- tionem. Die igitur statuto convene- runt omnes fulgentes in jocalibus, au- ro, & gemmis ut cœlum in stellis: so- la inter illas uxor Phocionis ibi com- paruit in habitu modesto, sed honesto, quam propterea aliae compitulæ, quæ se ornaverant ut ad scenam, vel ad triumphum, riserunt tanquam innocentem & simplicem: verum illa quæ pluris fa- ciebat, vitam suam sapientibus virtutis effatis, quam fatuis mundanarum de- litiis aptare, exinde ne vel minimum commota, sed mentis stabili, sic illas sapienter & modestè affata est: non si- ne consilio Ó Dominae meæ! hic ego inter vos adsum in vulgari meo habi- tu: poteram ut & vos divitias meas, quæ non desunt ostentare, sed volui vobis ostendere, me unicum id æstimare, & magis facere, quod sim uxor Phocio- nis. Si hæc illa de suo Phocione, quid Beata Virgo de suo Iosepho?

Secundò exaltata Maria quia mati- tata, quia ut Divus Josephus in Mariam conjiciens oculos, ejus puritatem, modeſtiam, humilitatem, charitatem, &c. intuens mirabatur, & ad easdem vir- tutes imitandas animabatur: ita quoque Maria ex Divi Josephi maximis virtutibus suo modo profecit. Intuens enim Sponsum suum tam sanctum, tam humilem, tam modeſtum, &c. cor ejus cœlesti perfundebatur suavitate, atque in Dei tantarum virtutum Authoris lau- dem & amorem magis inflammabatur. Hinc bene D. Hieronymus, de nominibus Hœbraicis obseruat quod *Cades* inter- pretatur Sanctitas, ut intelligamus in hac nostrarum cœjunctione palmarum, (*Quasi palma exaltata sum in Cades*) nihil non redolere sanctitatem: Erant ergo illi duo Sacri Conjuges, quasi duo car- bones accensi qui ex approximatione se invicem inflammant: erant quasi duo uniones orientales, qui juxta se positi pellucidiores apparent & ele- gantiores; erant sicut duo illi Seraphi- ni apud Iisaiam Prophetam qui alarum collisione reciproca se mutuo ad Dei laudes canendas provocabant.

Tertiò, ut intelligas quomodo ex- altata

altata Maria ex hoc quod maritata: nota quod in humanis conjugiis Pater tenetur uxori suæ de suâ Paternitate, & Mater Marito de suâ Maternitate: non quod uxor Paternitatem, maritus Maternitatem producat ex toto, vel ex parte: stat enim utraque ex utriusque propriâ causalitate, sed quia cùm sint tantum causæ partiales unius & ejusdem Prolis nisi unirentur in agendo nunquam poneretur proles, ad cuius tantum positionem exurgit relatio Paternitatis in viro, Maternitatis in uxore.

LIII. Simili ferè modo tenetur Beata Virgo Divo Josepho Sponso suo de suâ Maternitate: Licet enim hîc non concurretur cum ipsâ Virgine ad productionem Christi, concurrit tamen nomine ipsius Spiritus Sanctus, qui in hâc productione ipsius vices ex infinitâ dignatione supplere dignatus est: quod autem quis per alium facit hoc modo, idest suppledio vices, & ex intentione supplendi, per se ipsum facere censetur: Hinc optimè dicitur *Palma maritata Maria*. Quemadmodum enim in naturalibus palma fœmina ut fructum suum ferat, necessariò maritari debet & conjungi palmæ mari, non aliter illum productura: ita quoque Beatissima Virgo Deipara secundum præsentem Decretorum Divinorum statutum Divo debuit Josepho conjungi, ut Christum Dominum ex se proferret. Atqui ex hoc quod illa Christum protulit benedictum fructum ventris sui, tota ejus magnitudo & exaltatio ut constat, ergo & hæc quoque conjunctio Virgini profuit, ut & Divo Josepho, qui per illam pariter Christi Pater effectus est: Quid ergo Sanctissima Virgo illi cui hoc debuit non rependit quæ tantum potuit.

LIV. Hanc quoque rationem ex Augustissimo haurio Augustino tomo 7. lib. 1. de Nuptiis & Concupisc. cap. 11. ubi postquam statuit verum inter Mariam & Joseph Conjugum, esto inter illos non fuerit nec debuerit esse concubitus carnalis: elevans conceptus suos, addit: Propter quod fidele Conjugium Parentes Christi vocari ambo meruerunt, & non solum illa Mater, verum etiam ille Pa-

ter ejus, scut Coniux Matris ejus, utrumque tamen mente non carne. Ubi vides Divum Augustinum velle non tantum Divum Josephum, sed etiam Mariam per hoc fidele Coniugium meruisse ut vocarentur parentes Christi. Ambo, inquit, meruerunt; quomodo vero ambo? Maria ut Joseph? nisi modo jam explicato, cum mutuâ ad invicem post Deum obligatione, Josephi ad Virginem pro suâ Paternitate, & Virginis ad Josephum pro suâ Maternitate.

Et quia ex dictorum paroëmia in geminatis non cadit error: Confirmatur iterum ex eodem Divo Augustino sibi in hac doctrina constante ibidem paulò infra in his verbis. *Sed cum illo (idest Josepho,) non seminante illa pereisset, profecto nec ipsius forma servi parentes ambo essent, nisi inter se etiam sine carnis commixtione conjuges essent.* Ubi duo dicit Augustinus: primum, quod ambo sint parentes formæ servi in Christo, esto Divus Josephus non seminaverit: secundum, quod illius formæ servi parentes ambo, idest non solum Joseph, sed etiam Maria non fuissent nisi fuissent inter se conjuges sine commixtione carnis: Ex quibus patet quod in argumento hujus Sectionis proposuimus, scilicet quod hæc Coniunctio seu Matrimonium ipsi quoque Divæ Virginis profuerit.

Finio hunc Tractatum per Verba Divi Gregorii Nazianzeni orat. 11. de LVI. funege Gorgonæ Sororis suæ. Hic Magnus Antistes ex singulari Divinarum Litterarum scientiâ cognomento Theologus, post elatam usque in Cœlum Gorgoniām p̄famat, dīgrediens ad laudes Ursalij ejus maritæ sic compendio absolvit. *Vultis uno verbo Virum describam? Vir erat illius Gorgoniae, nec enim scio quid amplius dicere neceſſe sit. Vir erat illius cujus unus rubor placebat quem pudor affert; unus candor quem parit abstinentia, nam pigmenta & fucus scenicis & meretricibus relinquebat. Vir erat illius quæ corpus penè sine cibo velut materia expers retinebat, & ante mortem mori cogebat. Vir erat illius, quæ noctes insomnes divinis psalmodiis traducebat, & tenera membrasolo insternabat, &c. Quod si ita ille magius Antistes,*

tistes, & summus Theologus de Ursilio, quod Vir fuerit tantæ Mulieris Gorgoniae: Quam̄ potiori ego jure dicam de Divo Iosepho vultis uno verbo dicam quantus fuerit? Vir fuit illius Mariae: vultis scire quam̄ puritate, pletate, humilitate, prudentia, charitate, contemplatione, modestia, castitate, sanctitate, meritis, dotibus cor-

poris & animæ Sanctus Ioseph exornatus fuerit? Uno verbo abolitam, Ioseph Vir Mariae de quâ natus est Jesus, qui vocatur Christus: nec enim scio quid amplius dicere necesse sit. Quanquam tamen amplius adhuc restat dicendum, quod scilicet fuerit Pater Christi & Dei, quæ materna est Tractatus qui sequitur.

TRACTATUS SECUNDUS. DIVUS JOSEPHUS Pater JESU.

NOMEN Pattis cùm sit nomen pietatis, & potestatis, ut etiam docuit antiquissimus Tertullianus, nomen est magnificentissimum & honorificissimum: Propterea Senes qui ab ipsâ senectute venerabiles censentur, non parum se honorati putant cùm eis à nobis illud nomen Patris tributur.

Tantum est istud nomen, tam honorificum, tam magnificum, ut etiam Reges & Principes, aliaque Reipublicæ columnæ, illud pluris fecerint, & si sapientiæ alii, pluris facere debeat, estimareque se magis honorabiles esse dum Patres populi appellari suis factis merentur, quam ipso Regali titulo, qui tamen summi culminis est: Et quid mirum cùm & ipsis Diis hoc nominis honoris gratiâ tributum sit. Vide Virgilium lib. 2. Æneidos, maximè lib. 2. Georgic. Gellium lib. 5. cap. 12.

Quod si illa appellatio adeò honorifica respectu hominum nobis similium, quanta quæso erit illa in Divo Iosepho, qui talis est per respectum ad Deum? Ptolemaeus Rex à divitiis à potentia, ab armis, à sapientia & judicio famosissimus, cessit adhuc vivens Coronæ & Regno in favore Filii sui: cùmq;

Aulici sui id vehementer dissuaderent, quod valde indecens videretur Regem in senio tali se exuere Majestate: Respondit sapienter, se pluris facere Patrem Regis dici, & esse, quam Regem: Ita Joannes Baptista Fulgosius lib. 5. cap. 7. de Parent. Indulgent. erga liberos. Quanta ergo erit tua ô Sanctissime Iosephi gloria, qui non hominis Regis, sed Duci hominis Pater, & vere Pater existis? Hanc gloriam hoc Tractatu pro viribus exequimur.

CAPUT PRIMUM.

Divo Iosepho nomen Patris respectu Christi Domini rectè tribuitur.

MAGNUM, inquit Abbas Ruper-
tus de Gloriâ filii homi-
nis lib. 1. & verum nomen Bea-
to Ioseph Matthæus attribuit,
quia si est Vir Mariae, est & Pater Domini,
&c. Ergo Vir Maria Ioseph & ipsa Vxor
illius. Proutdè nec iste inepte dixit Ioseph
Virum Marie, nec alius Evangelista men-
titus est Patrem illum, ejus qui in ea natus
est Christi, appellando. Et erat inquiens
Pater ejus & Mater mirantes super his
qua dicebantur de illo. Quid ergo mi-
rum quod in affectu ei istâ dignitate
adec-